

清畫家詩史


第七册

清畫家詩史庚上目

張祥河	趙魏	郭基	盧登焯	嚴冠
李鳴盛	陳述祖	斌良	周封	黃均
查奕照	查世燮	項維仁	沈宏遠	趙箴
夏之勲	陸增	李志鰐	朱金蘭	王景程
蕭瑜	沈道腴	徐炳	王之孚	華棟
潘庸	金震起	徐人怡	葛金章	鍾瑤
應天垣	陳錫桂	陳經	蔣問	陸向葵
嚴憲曾	朱文曾	袁世經	張莘	滿不
周原	沈浩	徐恒	孫榮	常性道

文鼎	王應綬	丁曙英	程章	沈翺
黃沅	蔣浩	楊旭	方絮	孟耀廷
葉襄	郝掄達	陶春	查世瑣	顧崧
翟繼昌	戴鑑	阮松	陳觀酉	朱璋
季士訢	楊逢南	王士珠	江介	卜爾昌
錢元章	廖雲槎	徐桑	沈起鯨	翁廣平
許乃穀	李應占	陸鳳鈞	蔣子檢	張維屏
葉桂庭	趙鶴	王棠	黃鑫舟	羊宗道
俞岳	吳以暢	朱子庚	葉圭祥	張式
趙徽	楊振	張澹	談友仁	明忠

俞竣	張宜尊	戚叔楷	石渠	沈謹學
黃彥	馬潛	李兆椿	嚴恒	許光濟
謝莖	程庭鸞	杜游	朱英	陳祺齡
劉位坦	查人漢	葉金書	桂衡	關鳴珂
路慎莊	張士保	薛周	劉澄	劉斯祐
李國龍	馬堯年	程璋	周介福	高繼珩
王念祖	畢梅			



清畫家詩史

庚上

寧津李濬之響泉編輯

張祥河原名公璠字元卿號詩舫一號鶴在又號法
華山人婁縣人文敏公照從孫嘉慶庚辰進士官
工部尙書諡溫和山水爲董蔗林弟子又喜倣石
濤一派花卉得改七鄉傳兼宗青藤白陽兩家有
小重山房集詩舫詩錄

李鐵君盤陰八景圖爲友人作

盤之巔松插天古虬鬱翠翩如仙盤之中石叅空捫厓
蒼蘚鎔頑銅盤之下水奔馬響和松濤石漕瀉古有隱

庚上

者田先生後李鐵君此避名白雲不使林間愧尙史閉
戶千言成圖中八景筆如繡首列蘿邨尾松岫皺法端
宜斧劈痕此山裂石眞奇秀今君高致希晉賢得此何
似招隱篇明年策騎尋碑到定訪盤陰證舊編

廣東百三歲老人陸

雲從

應丙戌會試恩賜國子

監司業詩以紀盛

四朝天下老萬里地行仙頤衷登童試春官應丙纏耆
英瓊海重禮數辟雍傳儻比鷄窠叟先生尙少年

景州

人家齊抱水晚入景州涼積潦紆官道浮圖聳女牆廣

川儒術舊細柳將才良門第追炎漢英風萃此鄉

石景山

朝拂吟韉別戒臺尙饒逸興陟崔嵬河流北折桑乾下
山色東趨石景來古塔風尖仙梵寂頽垣春暮野花開
玉泉金閣當年盛付與殘僧話劫灰

菜飯

偶將瓢菜入新杭鄉味頻年齒頰清隔飯香多皆玉屑
流匙色膩比青精邨夫一飽餘何羨館客加餐最有情
不用雕胡懷宋玉老妻素手善調羹

王元章畫梅

煮石清狂筆似仙
盈枝紅雪靜生妍
春風一幅豈無價
九里山中換米年

羅兩峯樵沈石田竹堂寺與李秋官楊黃門觀梅
圖沈作于成化己亥羅作于乾隆己亥卽用石
田韻題後

千枝萬枝出琪樹
竹堂寺裏觀梅處
酒酣伸紙白石翁
杯底春光筆端駐
兩峯摹本得彷彿
疑是前身此中住
後先己亥三百年
淡墨還書舊吟句
佛言喜門梅樣深
畫諦禪宗參透未
秋官黃門己物化
曷弗招來圖鬼趣
寒鴉古木極樛樛
蘚徑苔垣成刻露
不愁此紙捲春去

殘雪滿天香滿地

趙 魏字晉齋號萊森一號洛生仁和人貢生究心
金石之學游畢秋帆幕中與孫淵如錢獻之相砥
礪間作山水以隸法寫之著有竹庵盦金石錄
黃君小松遺余古碑并陳無軒書及湘管齋聯吟

詩卽步原韻

梅花厯亂盧仝屋欲籜千竿萬竿竹竭來未與素心同
空傍蒹葭想如玉元龍意氣叔度波欲往從之春水綠
新詩翠墨會佯來翹然足音響空谷我本天涯淡宕人
萬事捐除不挂目二三知己如水交高情轉切癖香錄

湘管齋頭領卧遊赤日應嫌渭川俗開門覓得此君情
會心遠在沅江曲征帆何日美東南忍使相思瘦於肉
君不見吾家舊住水晶宮擬棹金波看月穆

郭基字芋圃閩人山水沈厚入古集文沈兩家之
長

題泥金箋畫竹

昨夜春寒翠袖單銀箋一劈寫琅玕南朝金粉知多少
併作瀟湘十六竿

盧登焯字震滄號雲船鄞縣人山水筆意蒼秀喜考
訂金石有鏡竹軒集

端陽懷古用陶靖節擬古韻

浩浩長江水青青汀邊柳茫茫千載前令節因人久我
讀離騷經靈均盍尙友至今端午日臨流奠杯酒鬱鬱
宗國心盡忠不孤負所見雖不曠寸心獨堅厚楚宮已
泯泯汨羅爲誰有

嚴冠字四香仁和諸生善畫梅喜吟詠工於言情
有茶壽盒詩

自題畫梅

頻年奔走撇西湖藥冷香疎夢亦孤爲問林家三百樹
可曾依舊著花無

江城淒楚笛聲聲竟夕高樓倚月明爲寫故園風雪意
梅花最管別離情

題華亭張興鏞遠春詞

鈔一

情語年來不慣看蘭釭挑盡夜生寒纏綿句似溫磨酒
醉得吳儂欲睡難

李鳴盛字佐廷號瑤山南海諸生工畫竹恣筆揮灑
意致翛然

懷呂石颿明經

對酒論文氣益豪窮愁白髮感蕭騷年來膽苦心寒極
綺語全刪格自高

陳述祖字雲門華亭人其先世平吳三桂襲子爵以
廕官福建建寧鎮總兵工書畫有秋雨夢松舫詩
稿

吳門舟中

孤城隱隱隔漁燈篷背涼生露氣凝斜月半船人擁被
寒潮流夢下松陵

斌

良字備卿號笠耕滿洲人浙閩總督玉德子由

廕生官刑部侍郎駐藏大臣工山水花卉書學華
亭嘗集董書刻石有抱冲齋詩集

香禪弟欲寫巴林雪獵圖詩以催之

醉舞昆吾膽氣粗監州七載客飛狐

初官朔平府通判

短衣射

虎平生志好寫巴林雪獵圖

按香禪名哲成額工六法

題驪山溫泉

裸游宮館莽榛蕪錦雁消沈碧藻鋪渠膩流香惹惆悵

二千年上照冰膚

珠泉活潑進盈科驪嶺湯分十六多賜浴恩波今尙暖

三郎密誓較如何

周

封字于邵自號太平里農嘉興人山水師吳仲

圭善於用墨兼長畫梅老幹疎花具灑落之致書

有板橋風格

墨梅

倚牆老綠捲秋聲孤負盈盈驛使情寄語羅浮好明月
斷霞雪霽看春生

黃均字穀原號香疇又號墨華居士元和人以議

敘官漢陽主簿施南同知山水師法婁東筆墨蒼
楚饒有逸韻兼工花卉梅竹書法董文敏初以六
法名噪京師及宦遊武昌居臙脂山麓以吏爲隱
仍得優游翰墨有墨華庵吟稿

題黃孝子萬里尋親圖

浩然仗劍走邊關不見老親誓不還大幸一身出重險

何辭萬死入諸蠻白頭無恙流離後血淚猶傳指顧間
我愧與君同世系閒來空寫座中山

襄陽習池漢侍中習郁始做范蠡種魚法闕池晉
山簡改名高陽傳爲勝地芸皋周郡伯課民種
桑修復之以廣水利張司馬南山栽柳池隄蔣
大令晴山補種桃花士民觴詠遊覽不絕均爲
繪圖并系以詩

朝來池畔踏晴沙隄上遊人笑語嘩一幅襄陽好圖畫
周柔張柳蔣桃花

查奕照字麗中號丙堂一號龍山樵者晚稱贅叟海